



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj 17/08) i članova 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), Skupština Brčko distrikta BiH, na 5 redovnoj sjednici održanoj 13. maja 2009. godine, razmatrajući Nacrt zakona o izmjeni i dopunama Zakona o zdravstvenoj zaštiti u Brčko distriktu BiH, donijela je

**O D L U K U**  
**O ODRŽAVANJU JAVNE RASPRAVE O NACRTU**  
**ZAKONA O IZMJENI I DOPUNAMA ZAKONA O ZDRAVSTVENOJ ZAŠTITI U**  
**BRČKO DISTRIKTU BiH**

**Član 1**

Ovom odlukom uređuje se način održavanja javne rasprave o Nacrtu zakona o izmjeni i dopunama Zakona o zdravstvenoj zaštiti u Brčko distriktu BiH.

**Član 2**

Nosioci aktivnosti provođenja javne rasprave su Komisija za rad, zdravstvo i socijalnu zaštitu, Skupštine Brčko distrikta BiH i Odjeljenje za zdravstvo i ostale usluge Vlade Brčko distrikta BiH.

**Član 3**

Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Nacrt zakona iz člana 1 ove odluke učini dostupnim na web-stranici Vlade Brčko distrikta BiH [www.bdcentral.net](http://www.bdcentral.net).

**Član 4**

Javna rasprava održat će se:

- 19. maja 2009. godine u velikoj sali Doma kulture, s početkom u 19.00 sati, i
- 26. maja 2009. godine u sali za edukaciju bolnice u Brčkom s početkom u 13.00 sati.

**Član 5**

Finansijska sredstva za organiziranje i provođenje javne rasprave osigurat će Vlada Brčko distrikta BiH.

## **Član 6**

Nakon sprovedene javne rasprave Komisija za rad, zdravstvo i socijalnu zaštitu, Skupštine Brčko distrikta BiH sumirat će kompletnu raspravu i podnijeti Skupštini izvještaj s prijedlozima i mišljenjima s javne rasprave.

## **Član 7**

Zapisnik s javne rasprave bit će dostavljen šefovima zastupničkih klubova Skupštine Brčko distrikta BiH najmanje sedam (7) dana prije nego što se Nacrt zakona uputi u proceduru drugog čitanja.

## **Član 8**

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-63/09  
Brčko, 13.5. 2009. godine

**PREDSJEDNIK  
SKUPŠTINE BRČKO DISTRIKTA BiH**

**Mirsad Đapo, dipl. pravnik**

Dostavljeno:

1. Predsjedniku
2. Potpredsjedniku
3. Komisiji za rad, zdravstvo i socijalnu zaštitu Skupštine Brčko distrikta BiH
4. Gradonačelniku
5. Odjeljenju za zdravstvo i ostale usluge
6. Arhivi